


聖濟總錄

百十四

庫文閣内	
番號	漢 12609
冊數	200 (115)
函號	300 212



大德寺藏書目録卷之十一

耳部

耳

耳

耳

耳

耳

耳


耳

耳

大學東  
校典籍  
局之印



耳病門



大德重校聖濟總錄卷第一百二十四

耳聾

風聾

勞聾

久聾

五聾

耳聾有膿

耳虛鳴



總錄一百二十四



在手太陽以至五絡皆會於耳中各有證候審而治之

治腎虛耳聾肉苳蓉丸方

肉苳蓉酒浸壹宿切焙菟絲子酒浸別搗白茯苓去黑皮

山芋人參熟乾地黄焙切

桂去麤皮防風去叉芍藥剉

黃耆剉各半兩羊腎壹對薄批去筋膜炙乾

附子炮裂去皮臍羌活去頭澤瀉剉各壹分

右一十四味搗羅為末鍊蜜和丸如梧桐子大每服

三十九空心溫酒下

治耳聾黃耆丸方

黃耆剉梔子人炒犀角鎊

木通剉炒升麻人參乾藍

玄參木香芍藥剉各壹兩

黃芩去黑心芍藥剉各壹兩

右一十一味搗羅為末鍊蜜和丸如梧桐子大每服

二十九煎枸杞根湯下加至三十九食後服

治腎虛耳聾菖蒲丸方

菖蒲蜀椒葱子炒半兩

羊腎壹對酒壹升煮乾取出片切暴乾

皂莢壹枚去皮炙

右五味搗羅為末鍊蜜丸如梧桐子大每服三十丸  
空心溫酒下日三凡欲服此藥臨睡時先安鐵物於  
所患耳邊口中以牙鞭咬定却以磁石一小塊安耳  
內覺氣微通畧能聽聲然後服藥

治腎氣不足耳聾耳中虛鳴桂心湯方

桂去麤皮

羌活去蘆頭

黃耆剉各壹分

防風去叉半兩

芍藥

人參

木通剉各壹分半

磁石煨醋淬柒兩

右八味鑊搗篩每服三錢匕水三盞先煮羊腎一隻  
去腎取汁一盞然後下藥煎至七分去滓溫服

治耳聾耳鳴山芋丸方

山芋

熟乾地黄切

磁石煨醋淬柒兩

菊花微炒

黃耆剉

茯神去木

木通剉各壹兩

升麻

獨活去蘆頭各參分

右九味搗羅為末鍊蜜和丸如梧桐子大每服二十  
丸米飲下漸加至三十九

治耳聾耳鳴酒方

菖蒲米泔浸壹宿剉密參分

木通

磁石搗碎綿裹

桂去麤皮各半兩

防風去叉

羌活去蘆頭各壹兩

右六味咬咀如麻豆以酒一斗漬寒七日暑三日每日空腹飲三兩蓋以差為度

治耳聾耳鳴常如風水聲磁石酒方

磁石搗碎綿裹半兩

木通

菖蒲米泔浸壹兩日切焙各半

斤

右三味咬咀以絹囊盛用酒一斗浸寒七日暑三日每飲三合日再

治耳聾牡荊酒方

牡荊子微炒壹升

右一味以酒二升浸寒七日暑三日去滓任性飲之

雖久聾亦差

治耳聾大豆酒方

大豆揀壹升

雞屎白搗炒半升

右二味先炒大豆聲絕入雞屎白取酒五升沃之良久去滓分溫三服厚衣蓋取汗

治耳聾鐵酒方

鐵伍兩

酒壹升

右二味燒鐵令赤投酒中去鐵飲之仍以磁石塞耳

中

治耳鳴耳聾塞耳魚腦膏方

鯉魚腦合陸

當歸

防風去義

細辛去苗葉

附子去皮

芎藭

白芷各壹分

右七味除魚腦並剉碎銀器中和魚腦煎成膏去滓  
傾入合中澄凝每以棗核大綿裹塞耳中

治耳鳴耳聾塞耳木通丸方

木通剉

細辛去苗葉

桂去麤皮

菖蒲

當歸焙切

甘草炙剉

獨活去蘆頭各半兩

附子炮裂去皮臍

礞石研如粉各壹分

右九味搗研為末旋以葱汁和丸如棗核綿裹塞耳

中

治耳鳴耳聾塞耳芎藭膏方

芎藭

當歸

細辛去苗葉

白芷各壹分

右四味細剉以雄魚腦六合和於銀器中煎成膏去滓  
傾入合中澄凝以棗核大綿裹塞耳中

治耳聾塞耳丹參膏方

丹參洗

蜀椒去目并閉口炒出汗

大黃

白朮

芎藭

附子去皮

乾薑

巴豆去皮心

細辛去苗葉



桂去麤皮各半兩

右一十味咬咀以醋漬一宿用鍊成豬脂三斤同置銀器中微火煎成膏去滓傾入瓷合中澄凝以綿裹棗核大塞耳中

治耳聾塞耳菖蒲丸方

菖蒲

木通剉

磁石煨醋滓研

乳香

杏人湯浸去皮尖雙入炒蓖麻子去皮

松脂

蠟各壹分

右八味搗研極細入鵝膏同搗一二百杵捩如棗核大以鍼穿中心作一孔子先挑耳令淨然後內藥耳

中日再初著時痒及作聲勿怪

治耳聾塞耳乳香丸方

乳香

杏人湯浸去皮尖雙入炒蓖麻子去皮

附子炮裂去皮臍

磁石煨醋滓

木通剉

桃人湯浸去皮尖雙入炒各半兩

巴豆去皮心炒壹分

菖蒲

松脂各參分

右一十味先搗羅磁石木通菖蒲附子為末其餘搗研為膏入末同搗一二百杵捩如棗核大中心通一孔子以綿塞耳中一日三換輕者三日重者十日愈治耳聾塞耳地黃丸方

生地黄洗黃 杏仁湯浸去皮尖雙入炒 巴豆去皮心炒

食鹽各半 亂髮灰各半

右五味搗爛如膏搥如棗核以薄髮裹塞耳中日一易之當有黃水出即去藥

治耳聾塞耳菝麻丸方

菝麻子去皮半兩 乳香 食鹽

巴豆去皮炒各壹分 松脂 蠟

杏仁湯浸去皮尖雙入炒各半兩

右七味搗爛如膏搥如棗核塞耳中日一易

治耳聾塞耳附子散方

附子炮裂去皮臍 磁石煨醋淬壹柒徧 龍骨

菖蒲 藁本去苗土各壹分

右五味搗羅為散以綿裹一錢匕塞耳中

治耳聾塞耳羌活丸方

羌活去蘆 玄參 木通剉

烏頭炮裂去皮臍 防風去叉各壹分

右五味搗羅為末鎔蠟和搥如棗核塞耳中日一易

治耳聾燒腎散方

磁石壹兩醋淨飛次細研水飛 附子壹兩炮裂去皮臍

巴戟壹兩 川椒壹兩去目及閉口者微炒去汗

右四味搗羅為細散每服用豬腎一隻去筋膜細切  
葱白薤白各一分切入藥一錢鹽花一字和攪令勻  
以十重濕紙裹於煨灰火內煨熟空腹細嚼用酒解  
薄粥送下十日大效

治久耳聾方

烏驢乳壹合

皂莢半挺為末

蠟壹兩

右三味相和於銚子內鎔成膏堪丸即丸如棗核大  
用針穿透安耳中一宿至來日看之有物下來在耳  
門中即便取却再用一兩度即差

又方

桃人

參分湯浸去皮

松脂參分

椒目末

壹分

巴豆

參分炒去皮

右四味都研如膏搽如棗核中穿一孔子綿裏塞耳

中數日一易

治耳聾塞耳葶藶膏方

葶藶

紙上炒

鹽研

杏仁

湯浸去皮尖雙入炒研各

右三味搗研極爛入豬膏中以銀器盛慢火煎成膏

傾入瓷合中以綿裹棗核大塞耳中

治耳聾塞耳菖蒲丸方

菖蒲壹寸

巴豆

壹粒去皮心炒

蠟壹分

右三味搗爛搥作七丸每一丸中穿一孔子以綿裹塞耳中日一易

治耳聾塞耳食鹽丸方

食鹽

杏人

去皮尖雙人炒各青分

右二味爛搗以純烏羊屎新濕者和丸如棗核大塞耳中勿令風入乾即易之至七日二七日耳中有聲漸入即以葦管長二寸內耳中四畔以麩封之勿令氣出以薄麩餅子裹筒頭上以艾炷灸三壯耳內即有乾黑膿出須挑却還依前法一日兩度以後常用

亂髮塞之

治耳聾塞耳附子丸方

附子

炮裂去皮臍

菖蒲

各半兩

右二味搗羅為末以醋和如棗核綿裹臥時塞耳中夜一易之有黃水出差

治耳聾塞耳大棗丸方

大棗

拾伍枚去核

蓖麻子

壹佰粒去皮

右二味爛搗搥如棗核塞耳中二十日效

治耳聾塞耳巴豆丸方

巴豆

拾粒去皮心炒

松脂

兩半

右二味搗爛撚如棗核塞耳中汁出即愈

又方

蝸牛子壹分 石膽壹分 鍾乳壹分

龍腦

右四味除龍腦同研為細末一菟瓶盛之以炭火燒令通赤候冷取出研入龍腦少許每用油調藥一字滴入耳中無不差

又方

雄黃壹分 硫黃壹分

右二味同研為末綿裹一字放耳中即差

治耳聾灌耳方

鵝毛翎根筒柴 燈心柴 木通壹兩

地龍參條

右四味相和燒為灰細研每用半錢匕以生油調傾入耳中便用綿子塞耳且側頭臥良久如此三度

治耳聾楓香脂丸方

楓香脂半錢 巴豆柴粒去皮心

右二味同研相入撚如棗核綿裹塞耳中

治耳聾塞耳牙消散方

馬牙消半兩 龍腦半錢 麩人去皮半分

右三味為散入黃蠟二錢鎔和綿裹一棗核大塞耳

中

治耳聾塞耳椒目丸方

椒目肆拾玖粒

巴豆貳粒和皮用

右二味同研勻入飯丸如棗核綿裹夜後塞在聾耳

內

治耳聾塞耳黃瓜根方

黃瓜根

右一味削如棗核塞耳數日乾取聾膿血自出盡即

差

治耳聾塞耳醋煮附子方

附子

右一味以醇醋微火煮一宿削如棗核以綿裹塞耳

中

治耳聾塞耳真珠粉方

真珠末壹分

右一味研如粉以綿裹一錢匕塞耳中

治耳聾塞耳桃人方

桃人湯浸去皮尖雙人炒壹分

右一味搗爛搮如棗核以赤楮皮裹塞耳中又方用

杏人

治耳聾吸鼻麝香散方

麝香

細辛去苗葉

乾薑炮

荇蓬根

洗淨焙各壹分

右四味搗羅為散患左耳吸入右鼻患右耳吸入左鼻不拘時

治耳聾滴耳雞卵方

新雞卵

壹枚

巴豆

壹粒去皮心膜

右二味先於雞卵上開一竅將巴豆內雞卵中以紙兩重麪粘貼蓋却與雞抱以其餘卵雞子出為度取

汁滴於耳內日三兩次五七日差

治耳聾滴耳鯽魚膽膏方

鯽魚膽

壹枚

烏驢脂

許少

生油

半兩

右三味和勻內樓葱管中七日滴於耳內差

治耳聾滴耳胡麻油方

胡麻油

壹合

木香

醋浸壹宿焙杵末半兩

右二味銀器內微火煎三五沸綿濾去滓旋滴耳中以差為度

治耳聾滴耳鴛膏方

鴛膏

壹合

右一味以少許滴耳中

治耳聾滴耳生油方

生油壹合

右一味滴入耳中日三五次候其塞出即差

治耳聾滴耳蟹汁方

生蟹壹枚

右一味搗絞取汁以少許滴耳中

治耳聾滴耳龜尿方

龜

右一物安於合中荷葉上養之專看葉上有尿收取

滴耳中

治耳聾滴耳杏人方

杏人柒粒湯浸去皮尖雙入炒

右一味分三停各以綿裹每裹著鹽一顆如小豆許

以器盛於飯甑上蒸之飯熟出取一裹令患人側臥

捻汁入耳中久又以一裹捻入耳中取差為度

治耳聾灌耳益母草汁方

益母草壹握洗

右一味研取汁少灌耳中差

治耳聾灌耳醞醋方



醃醋貳合

右一味溫灌耳中以綿塞定半日許必有物出即差

鯽魚腦壹合

右一味以竹筒子盛蒸之冷灌耳中

治耳聾灌耳鼠膽方

鼠膽

右一味取汁滴入耳內令透初益聾半日後便能聽  
雖久亦差

治耳聾熏耳雄黃散方

雄黃

防風去

菖蒲

礬石

烏頭去皮

椒去目并閉口炒出汗各壹分

大棗核拾枚

右七味搗羅為散以香爐中安艾一彈子大次著黃  
藥末半錢匕於艾上復以藥二錢匕著艾上火燃向  
耳熏之

治耳聾蠟紙角方

蠟紙壹張

右一物剪為四片每一片於筋上緊捲抽却筋以蠟  
紙卷子安耳中燃之待火欲至耳急除去當有惡物

出在殘紙上日一角之角了以蠟塞定

治耳聾鐵鑲方

鐵鑲

右一物口內含之隨聾耳左右以磁石一塊枕之旬

餘氣通即止又方以綿裹鐵沙內耳中口含磁石太

法本同今併為一方

治耳聾方

巴豆壹枚去皮心膜

右一味以黃蠟裹兩頭作孔通氣安耳中

治耳卒聾方

菖蒲壹寸

巴豆壹枚去心皮

右二味搗研分為七丸每取一丸綿裹塞耳中

治卒耳聾方

右取栝樓根削可耳孔大以臘月豬脂煎三五沸以

塞耳中七日一換良

風聾

論曰風聾者本於足少陰經虛風邪乘之令氣脉不通

風邪內鼓則耳中引痛牽及頭腦甚者聾閉不通故謂

之風聾

治風聾颼颼如風雨鍾磬聲或時出清水或有膿汁黃

耆湯方

黃耆剉壹兩半

附子炮裂去皮臍

菖蒲米泔浸壹宿切各壹兩

木通剉貳兩

磁石火燒醋淨壹兩

五味子

防風去義

玄參

人參

杜仲去麤皮剉炒

白茯苓去黑皮

熟乾地黄焙各壹兩壹分

右一十二味麤搗篩每服三錢匕以水一盞半入生

薑三片大棗一枚擘同煎至七分去滓空心溫服日

三

治風聾菖蒲湯方

菖蒲米泔浸壹宿切肆兩

瞿麥貳兩用穗

白朮剉碎炒

獨活去蘆頭肆兩

山芋參兩

甘草炙剉貳兩

附子炮裂去皮臍貳兩

桂去麤皮參兩

杏人去皮尖雙剉兩

人參參兩

前胡去蘆頭參兩

石膏貳兩

磁石火燒醋淨壹兩

右一十五味剉如麻豆每服三錢匕以水一盞半入

竹葉七片生薑一棗大切葱白一寸同煎至七分去

滓溫服

治風聾頭目痛天雄散方

天雄炮裂去皮臍參兩

山茱萸伍兩

細辛去苗葉參兩

十七

乾薑炮貳兩

山芋柒兩

右五味搗為散每服一錢七空心溫酒調下日二服

治風聾獨活煮散方

獨活去蘆頭壹兩

右一味搗羅為散每服二錢七以水酒各半盞煎至

七分去滓空心服以差為度時用水浸椒煮令熟以

布裹熨之

治腎間風熱骨疼耳聾及腎中實邪蒼耳酒方

蒼耳淨棟兩

防風去義兩

惡實炒各參兩

獨活去蘆頭兩

木通各貳兩

生地黄洗參兩

人參壹兩

薏苡人貳兩

黃耆參兩

桂去蘆皮壹兩半

白茯苓去黑皮貳兩半

右一十一味細剉以酒一斗浸七日空心飲之初一

盞日再量性加至二三盞

治風聾年久魚腦膏方

生鯉魚腦貳兩

當歸焙切

細辛去苗葉

白芷

附子炮裂去皮臍

菖蒲各半兩

右六味除魚腦搗羅為末以魚腦置銀器中入藥在

內微火上煎候香瀘去滓傾入瓷合中候凝如棗核

大綿裹塞耳中

治風聾久不差者塞耳杏仁膏方

杏仁去皮尖雙蓖麻子去皮各壹兩別研

巴豆去皮心別研壹分食鹽別研貳分附子炮裂去皮臍壹分

桃人去皮尖雙人別研壹兩乳香別研壹分

磁石火燒醋淬壹兩木通剉半兩

蠟貳兩菖蒲壹兩

右一十一味除別研外搗羅為末後入別研者相和

搗丸撚如棗核大綿裹塞耳中日四五易

治風聾積久及耳鳴菖蒲散方

菖蒲切附子炮裂去皮臍各壹分

右二味搗羅為散每以一錢匕綿裹塞兩耳中

治耳聾牙關急塞耳附子方

附子壹枚生去皮

右一味以醋漬三兩宿令潤透裹削一頭尖內耳中

灸上二七壯令氣通耳中即差

勞聾

論曰勞聾者腎氣虛勞所致也足少陰腎經宗脉所聚其氣通於耳腎氣虛弱宗脉耗損則氣之所通安得聰徹而不聾哉舊說謂因勞則甚要當節嗜欲慎起居而無損腎藏

治腎虛勞聾內補丸方

熟乾地黄焙 附子炮裂去皮臍 桂去

肉苳蓉酒浸壹宿切焙 鹿茸去毛酒浸壹宿 人參各壹兩

山芋壹兩 芫胡去苗 小胡黃連壹兩

遠志去心 細辛去苗葉 白茯苓去黑皮

鍾乳鶯管者 水煮三日研三日 甘草

右一十三味除研藥餘為細末再研勻鍊蜜丸如梧

桐子大空心溫酒下二十九

治勞聾耳中潰潰然補腎磁石湯方

磁石貳兩醋 山茱萸洗 菖蒲米泔浸壹

芎藭

牡荊子

茯神去

白芷

枳殼去瓢麩

甘草炙

陳橘皮湯浸去白

地骨皮去

天門冬去心各壹兩半

右一十二味麤搗篩每服三錢匕水一盞半入生薑

半分切竹瀝二合同煎至七分去滓溫服日三

治勞聾積久耳鳴肉苳蓉丸方

肉苳蓉酒浸壹宿切焙 附子炮裂去皮臍 乾薑炮

山茱萸洗微 巴戟天去 桂去

澤瀉 菟絲子酒浸壹宿別搗 熟乾地黄焙

石斛去根

蛇牀子微炒

白茯苓去黑皮

當歸酒灑令潤切焙

人參

細辛去苗葉

牡丹皮

甘草炙剉

黃耆細剉

遠志去心

菖蒲米泔浸壹宿剉焙

芍藥各壹兩

防風去義參兩

羊腎壹對薄批去筋膜炙乾

右二十三味除菟絲子外為細末再入菟絲子末重

羅鍊蜜丸如梧桐子大每服二十九丸食後溫酒下漸

加至三十九日三

治勞聾久耳中潰潰補腎石斛丸方

石斛去根

附子炮裂去皮臍

肉蓯蓉酒浸壹宿切焙

山茱萸洗微炒

菟絲子酒浸壹宿別搗桂皮

澤瀉

巴豆去皮心膜炒黃色研如泥紙裏壓去油

當歸切焙

蛇牀子炒

白茯苓去黑皮

乾薑炮

菖蒲米泔浸壹宿剉焙

芍藥

細辛去苗葉

遠志去心

黃耆細剉各壹兩

防風去義參分

右一十九味除菟絲子外為細末再入菟絲子末重

羅鍊蜜丸如梧桐子大每服十五丸溫酒下日三

治勞聾虛鳴塞耳菟麻子丸方

菟麻子去殼研

杏人湯浸去皮尖雙入炒黃

桃人湯浸去皮尖

磁石醋淬

木通剉 菖蒲各壹兩

巴豆去皮炒

食鹽研分 蠟兩

松脂研

乳香研各貳兩半 附子炮裂去皮

右一十二味先搗菖蒲磁石附子木通為細末再將諸藥別搗如膏人諸藥同搗數千杵丸如棗核大以

綿裹塞耳中日一易

治勞聾積久塞耳菖蒲散方

菖蒲 山茱萸洗微炒 土瓜根

牡丹皮 牛膝酒浸壹宿焙 白欬各半兩

磁石醋淬兩

右七味為細散每以一錢匕綿裹塞耳中日一易

治勞聾經久塞耳硫黃散方

石硫黃 雌黃各壹分

右二味研為細末每以一錢匕綿裹塞耳中數日則

聞人語聲

治勞聾滴耳方

童子小便

右一味以少許灌入耳中

久聾



論曰久聾者腎藏虛血氣不足風邪停滯故也足少陰經宗脉所聚其氣通於耳若腎藏勞傷宗脉虛損血氣既衰風邪乘之是為耳聾積久不差勞傷過甚邪氣留滯故為久聾也

治久聾塞耳磁石丸方

磁石煨醋淬米 菖蒲

木通剉

食鹽剉

薰陸香研

松脂研

杏仁湯浸去雙人皮尖炒研

蠟銕入藥搗

巴豆去皮殼炒研

生地黄洗研各半兩

右一十一味先搗前三味為末次同研者藥搗三三二

百杵可丸即丸如棗核大綿裹塞耳中日一易  
治久聾不差塞耳木通丸方

木通剉

菖蒲

磁石煨醋淬

薰陸香研

杏仁湯浸去雙人皮尖炒研

巴豆去皮殼炒研

蠟各半兩

附子炮裂去皮臍壹分

右八味除研外搗羅為末次將諸藥入鵝膏同搗可

丸撚如棗核大綿裹塞耳中日一易

治久聾耳鳴塞耳魚腦膏方

生雄鯉魚腦貳兩當歸切

細辛去苗葉

白芷去木皮

附子炮裂去皮臍各壹分

右六味除魚腦外並搗為末先以魚腦銀石器內慢火煎沸濾去滓次入藥再煎成膏以瓷合盛每用棗核大綿裹塞耳中

治久聾塞耳山茱萸丸方

山茱萸炮 乾薑炮 巴豆去皮殼炒別研各膏兩

右三味先搗前二味為末入巴豆同研令勻絞蒸汁

和丸如棗核大綿裹塞耳中食頃乾即易新藥塞之

凡如此五日當小愈十日聞人聲差即止常以髮塞

耳孔避風

治久聾塞耳麒麟竭丸方

麒麟竭研 鉛丹各貳兩半研 消石研

巴豆去殼各壹分研

右四味同研勻蜜丸如棗核大新綿裹內耳中有膿

出即拭去別用新綿裹再內避風以差為度

治耳聾不問久近塞耳蓖麻丸方

蓖麻子去皮伍拾枚 大棗去核貳拾伍枚

右二味先將棗搗爛漸漸入蓖麻子得所丸如棗核

內耳中日一易

治耳聾不問久近塞耳土瓜根方

濕土瓜根

右一味截長半寸塞耳中向上以艾炷灸七壯每日  
勿絕以差為度

治久聾滴耳鼠脂方

鼠脂合半 青鹽壹錢 蚯蚓壹條繫頭

右三味以鼠脂蚯蚓汁調青鹽湯溫以綿蘸側臥捻  
滴耳中繼塞耳孔即差

治久聾滴耳水銀方

水銀壹分 蚯蚓壹條

右二味就樓葱叢內以一莖去尖頭入水銀蚯蚓在  
內即繫却頭勿令傾出候蚯蚓化為水即取滴耳中

立愈

治久聾聒聒灌耳桂心膏方

桂去麤皮 野葛壹兩

右二味細剉以銅器盛入成鍊雞肪五兩微火煎三  
五沸去滓密貯勿令泄氣以小竹筒盛棗核大火炙  
令熱仰傾灌耳中十日聒聒自出久聾者不過二十  
日差乃以髮裏膏深塞之勿使泄氣五日後去之

五聾

論曰五聾不同曰風聾曰乾聾曰勞聾曰虛聾曰聒聾  
是也腎氣通於耳足少陰其經也經虛受風邪及勞傷

血氣停滯津液皆能致聾惟所受不同故其證各異葛氏所謂風聾者痛掣乾聾者生聾聾勞聾者出黃汁虛聾者肅肅作聲聾者膿汁出可不辨哉

治五聾鳴聞不聞人聲出黃水黃耆湯方

黃耆剉壹兩半

附子炮裂去皮臍壹兩

菖蒲米泔浸壹宿剉碎焙乾壹兩

兩

礞石醋淬壹兩

木通剉

白茯苓去黑皮

五味子

熟乾地黄焙

防風去義

玄參

人參各壹兩

杜仲去麤皮炙剉壹兩

右一十二味剉如麻豆每服五錢匕以水一盞半生

薑半分拍碎大棗二枚擘破同煎至一盞去滓溫服續喫羊腎粥助之日四五服不計時候

治風聾雄黃散方

雄黃半兩

丹砂參分

丁香壹分

桂去麤皮壹分

乾蠍去足炒半兩

烏蛇酒炙用肉半兩

硫黃壹分

天麻

人參各半兩

山芋壹兩

天南星炮參分

白附子炮壹分

麝香參分

檳榔參枚煨剉

木香壹分

麻黃去根節半兩

右一十六味搗研為散再羅令勻每服二錢匕溫酒

調服

治勞聾內補丸方

熟乾地黄

焙

桂

去麤皮各壹兩

山芋

壹兩半

附子

炮裂去皮

芫胡

去苗

遠志

半兩

胡黃連

壹分

鍾乳

貳兩

鹿茸

去毛

肉苳蓉

酒浸切焙

人參

參分

白茯苓

去黑皮

細辛

去苗葉

右一十三味先用甘草水煮鍾乳三日研三日了後

方擣諸藥為末却與鍾乳同研二日用細絹羅過鍊

蜜和丸梧桐子大每日空心用溫酒下二十九日再

服

治乾聾生聾

上都挺下乃

不可出方

蚯蚓

不以多少

右一味取自死者安葱葉中麩封頭蒸之令熟去麩取出擣研如溼取汁灌耳中滿即不過數灌即挑易出差後髮裏鹽塞之

治聾聵有膿散方

烏賊骨

釜底墨

龍骨

伏龍肝

各半兩

附子

壹兩

禹餘糧

陸銖

右六味擣羅為細末取皂莢子大綿裹內耳中日一

易取差不差者必有蟲加麝香一豆大  
治聾聵膿水不絕宜用此方

白礬半兩燒灰 麻勃壹分 木香壹分

松脂壹分 花烟脂壹分

右五味擣羅為細末每用時先以綿子淨拭膿後滿  
耳填藥効

治耳聾氣塞不通時作聲用附子法

生附子尖豈枚削作小棗核大

右一味以綿裏置耳內

耳聾有膿

論曰耳聾有膿者蓋腎藏虛勞傷血氣與津液相搏熱  
氣乘之則結聚於耳中腐化膿汁氣不開竅則致人聾  
治耳聾膿出黃者丸方

黃耆剉 升麻 梔子人

犀角鎊 玄參 木香

黃芩去黑心 芒消各壹兩半 乾薑炮

芍藥 人參各壹兩 大黃剉炒

右一十二味擣羅為末鍊蜜丸如梧桐子大每服二  
十九至三十九煎枸杞根湯下食後良久服

治耳聾出膿疼痛附子丸方

附子炮裂去皮

菖蒲

米泔浸壹宿剉焙

礬石熬令汁枯

蓖麻子人研

松脂

研各壹兩

杏人

去皮尖雙人炒貳兩

染烟脂兩半

右七味搗研為末鎔黃蠟和撚如棗核大鍼穿一孔子令透塞耳中日一換之

治耳聾有膿禹餘糧散方

禹餘糧

煨醋淨壹分

烏賊魚骨

去甲

伏龍肝

龍骨各半兩

附子

炮裂去皮臍壹兩

右五味搗研為散每以一錢綿裹塞耳中日一易取差為度如有蟲加麝香一黑豆大一方加鎔墨半兩

治耳膿久不差蠶香散方

蠶紙

已出者燒灰

烏賊魚骨

去甲

染烟脂

各壹錢

麝香

研半錢

右四味搗研為散滿塞耳中不動候自落未差再用治耳聾有膿水不絕鼻穢方

肉蓯蓉

兩壹

龍膽

兩壹

白茅根

兩壹

右三味共燒為灰研細以少蜜和令勻後入鯉魚膽汁三枚攪令稀即以絹揆取汁瀝入耳中其揆乾滓捻作挺子以薄綿裹塞耳不過三兩上愈治腎熱耳聾有膿血溜日夜不止方

鯉魚腦壹 鯉魚腸壹 烏麻子壹

右三味先擣烏麻令碎次入二味相和微火熬以煖布裹薄耳兩食頃開之當有白蟲出復更作藥若兩耳並膿分藥於兩耳中用若一耳即於一面薄之不過三度差

治耳聾有膿水不止方

麻子壹 花烟脂壹

右二味共研為細末滿耳塞藥以綿輕搵三兩上愈又方

礬石壹 鉛丹壹

右二味同研勻細每用半字摻入耳中

又方

地骨皮兩 五倍子壹

右二味擣為細末每用少許摻入耳中

治耳內膿水疼痛不止礬黃散方

礬石壹 雄黃壹

右二味同研極細每用手指甲挑半字先以綿杖子拭耳內令乾却滴生麻油一二點入耳內仍以綿杖子惹藥末在耳中不拘久近只一二度差

治耳內出膿水二聖散方



白附子炮 羌活去蘆頭各壹兩

右二味同為細散用豬羊腎各一隻切開每隻入藥末半錢不得著鹽濕紙裏煨熟五更初溫酒嚼下續喫粥壓

治耳聾膿出久不差速効散方

地龍壹條盛在白葱管內當門掛陰乾

右一味同麝香少許研為細散摻在耳內

治耳聾出膿或有蟲魚醋膏方

鯉魚腸壹具切 醋參合

右二味合搗如膏取少許綿裏塞耳二食頃當悶痛

或白蟲出即易之蟲盡乃止

治耳聾有膿桂骨散方

桂去麤皮 魚骨各壹兩

右二味合搗為散摻入耳中差

耳虛鳴

論曰耳者心之寄竅腎氣所通也府藏和平則其竅通而無礙腎氣既虛風邪干之復以思慮勞心氣脉內結不得疏通則耳內輝焯與氣相擊而鳴或如鍾磬雷鼓或如蟬噪皆腎虛所致也

治腎氣虛弱氣奔兩耳作聲甚則成聾磁石散方

磁石煨醋淬 熟乾地黄焙 菖蒲米泔浸壹宿剉焙

牡丹皮各壹兩 附子炮裂去

白茯苓去黑皮 人參 芎藭

大黃剉炒 牡荊子微炒 桂皮去麤皮

當歸切焙 桑螵蛸切破炙各半兩 羊腎壹對薄切去筋膜炙乾

右一十五味搗羅為散每服一錢匕溫酒調下日三

加至二錢匕不拘時

治耳內虛鳴保命丸方

熟乾地黄焙 肉苳蓉酒浸切焙 桂皮去麤皮

附子炮裂去皮臍 丁香 菟絲子酒浸別搗

人參各壹兩 白豆蔻去皮 木香

檳榔剉 甘草炙各半兩 鹿茸去毛酒浸壹宿酥炙

白茯苓去黑皮 疾藜子炒去角各參分

右一十四味將十三味搗羅為末入菟絲末再羅鍊

白蜜丸如梧桐子大每服十五丸空心食前溫酒下

漸加丸數

治男子患耳內虛鳴腰腎疼痛髀膝風冷食飲無味肉

苳蓉丸方

肉苳蓉酒浸切焙 石斛去根 白朮

五味子 桂皮去麤皮 巴戟天去心

防風去

人參各貳兩

白茯苓去黑皮

澤瀉

山茱萸各參兩

熟乾地黄焙

磁石

煨醋淬米  
徧各肆兩

右一十三味搗羅為末鍊蜜丸如梧桐子大每服三十丸空心食前服溫酒下

治腎虛耳內作聲或如蟬噪或如風水聲診其左手尺脉微而細右手關脉洪而大是其候也石斛丸方

石斛

黃耆剉

鹿茸去毛酒浸  
壹宿酥炙

地骨皮

附子炮裂去皮  
各壹兩菟絲子酒浸  
別搗

山茱萸

各壹兩  
壹分

遠志去心

熟乾地黄焙

菖蒲

米泔浸壹宿剉焙

防風

去叉各參分

桂去麤皮  
半兩

玄參

壹兩

右一十三味將十二味搗羅為末入菟絲子末再羅鍊蜜丸如梧桐子大每服三十九丸空心溫酒下以差為度此藥妊娠人去桂附加蜀椒三分丹參半兩治腎虛耳數鳴而聾補腎黃耆湯方

黃耆

人參

紫苑去土

甘草

炙剉

防風去

當歸切焙

麥門冬

去心焙

五味子

各壹兩

乾薑炮

桂

去麤皮各貳兩

芎藭

壹兩半

右一十一味麤搗篩每服五錢匕先以水三盞煮羊  
腎一隻至一盞半去腎下藥入葱白三寸切大棗三  
枚擘破煎至八分去滓空心食前溫服

治腎氣虛弱氣奔兩耳鳴甚成聾桑螵蛸散方

桑螵蛸切破 附子炮裂去 人參

白茯苓去黑皮 當歸切 桂去麤皮

熟乾地黄焙 牡丹皮 白朮剉炒各

羊腎壹對薄切去

右一十味搗羅為散每服一錢匕空心食前溫酒調  
下日三加至二錢匕

治腎勞虛後耳常聞鍾磬風雨之聲補腎鹿茸丸方

鹿茸去毛酒浸 磁石煨醋淬 枳實去瓢麩炒

附子炮裂去 山芋 牡蠣熬

肉蓯蓉酒浸切焙 五味子

巴戟天去心各 楮實炒別搗

右一十味將丸味搗羅為末入楮實末再羅令勻鍊  
蜜丸如梧桐子大每服二十九至三十九空心浸牛

膝酒下

治耳聾及耳鳴菖蒲浸酒方

菖蒲米泔浸壹宿 木通壹分

桂去麤皮

磁石碎綿裹各半兩

防風去

羌活去蘆頭各壹兩

右六味咬咀以酒一斗浸七日每日空腹溫飲一二盞

治腎虛熱毒乘虛攻耳致耳內常鳴如蟬聲不可專服補藥龍齒散方

龍齒

人參

遠志去心

白茯苓去黑皮

麥門冬去心焙各半兩丹砂研

鐵粉研末飛

龍腦研

牛黃研

麝香研各壹分

右一十味搗研為散同再研勻細每服半錢匕食後夜臥溫熱水調下日三病愈即已

治耳鳴并水入耳塞耳菖蒲丸方

菖蒲

獨活去蘆頭

礬石熬令汁枯各壹兩

木通剉

細辛去苗葉

桂去麤皮各參分

附子炮裂去皮臍分當歸切焙

甘草炙各半兩

右九味搗羅為末旋以葱汁同白鷺膏和丸如棗核大以綿裹內耳中日三易之

治耳內晝夜虛鳴塞耳方

菖蒲

烏頭去皮臍生用各壹兩

右二味為末綿裹半錢匕塞耳中日再易之

治腎氣虛弱風邪干之上攻於耳常作蟬鳴以至重聽

牛膝煎丸方

牛膝去苗 海桐皮貳味各半斤擣末用好酒伍升於銀石器內熬成膏

藁香子炒 當歸焙切 赤箭

五加皮剉 赤芍藥 桂去麤皮

麻黃去節根 地龍炒 木香

獨活去蘆頭 沒藥研 乳香研

防風去叉 骨碎補 麒麟竭

沉香剉 乾蠍炒去土 天南星生用各壹兩

附子炮裂去皮臍 烏頭炮裂去皮臍 棟實

芎藭各貳兩 麝香研半兩 虎腦骨肆兩酥炙

右二十六味擣研二十四味為末入前膏內和搗三

千杵丸如梧桐子大每服十九至十五丸空心溫酒

或鹽湯下

治腎虛耳鳴地黄丸方

熟乾地黄焙參兩 黃耆焙剉 山茱萸

桑根白皮各貳兩 黃連去須 羚羊角屑

桂去麤皮 當歸焙切 代赭各壹兩

芎藭 天雄炮裂去皮臍各壹兩半

右三十一味搗羅為末鑊蜜和丸如梧桐子大每服

三十九空心溫酒下

牛黃 桑州白史 胡加黃 黃

併 半 魚

黃 龍 散 黃

山 菜 黃

山 菜 黃

飲 膏 鹿 五 散 黃 小

海 參 不

干林武收蘇酥干木通濕十

亦二十六和蘇疫二十四和

若 棧 雨

聖 香 隱 中

**大德重校聖濟總錄**

大德重校聖濟總錄卷第一百二十四

